

DIUT HNIUT XAOX XOF BENX DUD LEIX HMUB

(hxit ed)

HVEB LEIX

benx diut

GUID ZEB MINE CUF CUF BAIX SEE




M
H2169
6



LAIB ZAID LOX YAF JIL GIB GID NIANGS



NIANGB DOL NIANGX HNIUT HXAT DAD ID





BANGX HOF HUAB

0245568

HVEB XANGS BUB

Benx dud nongd dol ghab kod ib dangl gid not
gangl dud Diel «Diut Hniut Xaox Xof Kod Benx.
Hveb Leix • benx diut» gid diongb hvuk hfaid lol,
dad bud dlob kod zaid Hmub bangf hfud gid haib .
Dio's Guid Zeb Senx Minf Weix Laib Zux Qangb Hfaid
Minf Cuf Leix Dud ghuk Jenb Dangk, Paib Sid Huaf,
Xix Sid Deef, Huf Tinf Dof, Lix Xeex Weef, Taif
Guangb Lieef diut laix qangb hfaid jangx dax. Naix
not hxit ed, maix diel yid jeed gheix xid ghax xangs
bib, hnaib ghangb get vut nenk dax.

Guid Zeb Senx Minf Weix
Laib Zux Qangb Hfaid Minf Cuf Leix Dud
hniut 1989 hlat 10

LEIX HFUD MAIS

NGIT TUF XOF KOD LEIX

KOD 1 LAIB ZAID LOX YAF JIL GIB GID
NIANGS..... (1)

KOD 2 NIANGE DOL NIANGX HNIUT HXAT
DAD ID..... (4)

KOD LEIX

KOD 3 TONGF DID ZEB (8)

KOD 4 LAIB GHAB DAIB HXAB EB (14)

QEND DUT JOB LIAS 1 (21)

KOD 5 XIB SAB QENF DAOX (25)

KOD 6 HVEB LUL HSEID GHOT (30)

KOD 7 NES GENX SEIL (32)

QEND DUT JOB LIAS 2 (38)

KOD 8 IB PANGB UD BONGK (42)

KOD 9 WIL NAIL (48)

KOD 10 GHANGD NOX BANGF HNIUB MAIS ... (53)

KOD 11 GHAB JEK NAS (57)

QEND DUT JOB LIAS 3 (63)

NGIT TUF XOF KOD LEIX

KOD 12 HSONGT EB (67)

KOD 13 BANGX HOF HUAB (70)

KOD LEIX

KOD 14	NGIT RENF MINF DAD HUID	
	TANGE	(74)
KOD 15	ZAID HMUB	(79)
	QEND DUT JOB LIAS 4	(83)
KOD 16	HXID GID DAS LIEK GID-DIANGD	
	ZAID	(87)
KOD 17	IB LAIB DAIF JANGD LOF SAIX	(92)
KOD 18	HXIT NJANGX	(97)
	QEND DUT JOB LIAS 5	(103)
KOD 19	DIAL XED	(107)
KOD 20	DAIL GHANGD HAIB DAIL NES BAD	
	LIND	(115)
KOD 21	HNAIB DAX GHAB BUT VANGL.....	(119)
	QEND DUT JOB LIAS 6	(121)
	HVEB NIUL HSEID HVIB	(124)

NGIT TUF XOF KOD LEIX

KOD 1 LAIB ZAID LOX YAF JIL GIB GID NIANGS

Dol niangx hniut niangb Jenx
Gangb Saib dib diangs id, Maof zux xif
niangb laib vangl Maof Pinf bangf
laib zaid lox yaf jil gib gid niangs.
Jus leit laib waix sait mais xangf
id, laib zaid lox yaf jil gib gid niangs
ghax fangx denb yangx.

Xangf id dios waix xux dongd
seil bangf dangl hmangt, Maof zux
xif nangl pangb ud dangb, ghol liul
tangd niangl, niangb dab diot laib
ghob yenl det hlod hxad wenf zangb,
Nenx bil deix gangf diangb bif, bil

jangl gid gid ghat jox denb xenb ,
laib denb vel ait vel fangx dax yangx.
Maof zux xif ngit laib denb dul
bub diub zot nos, liul tangd hlod lol
xangf deis seix ax bub yel. Ghax
dios niangb laib denb dul gid dab
nongd, Maof zux xif hxad jangx dol
wenf zangb not seix not, vut seix
vut, xangs bib Zongb Gof geef mind
send lid bangf jox gid.

1. Vut Vut hxid tuf hangb gid duf kod leix,
Xangs laib zaid lox yaf jil gib niangb diot
hangd dejs? Laib tuf huad xangf deis bangf
hfud gid, Maof zux xif ait laib xid?
2. Hxid liul tuf, xangs pit dab ghab hveb bangf
yid sib, nins hvib hxid maix ghab deix bangf
dol hseid.

(1) Jus leit laib wajx sait mais xangf id, laib

zaid lox yaf jil gib gid niangs ghax fangx
denb yangx.

(2) Xangf nongd dios waix xux dongd seil
bangf dangl hmangt, Maof zux xif nangl
pangb ud dangb, ghol liul tangd niangl,
niangb dab diot laib ghob yenl det hlod
hxad wenf zangb.

(3) Maof zux xif ngit laib denb dul bub diub
zot nos, liul tangd hlod lol xangf deis seix
ax bub yel.

3. Duf xend kod leix, beid kod leix bangf nangs
ob.

KOD 2 NIANGB DOL NIANGX

HNIUT HXAT DAD ID

Hongf Junb dad dib tak dol yongx, niangs ib dias yangx, niangb diub bok gid waix qet ves. Laib waix gid gid zek lol, ob dangl ob pit dangf bongb yongb. Ghab diongl gid niangs yangt hveb diongx liangf diab ab dax.

Dail cob diongx liangf nend dios dail laox Hongf Junb. Nenx niangb dab diot laib bod vib, dlangd lob bib nib, neis ud neis les, ghab dlad bab jil hxongt laid, laib mos gid waix bangf laib wux gof xenb xok gib wib. Nenx hvib gul mangl diul gul,

diot dit vangx hniangb, dlaib gangb
nend mais gat jat, bongl hinub
mais lif dlinf dlinf. Ib dail ghab
daib Hongf Junb bangl diot nenx ib
pit, bil deix hniangt ghab ghangx
bub diub, zongb naix gaib saib. Dail
ghab daib Hongf Junb seix dlangd
lob bib nib, neis ud neis les, bes jil
hxongt dad nongt dox nas nenx xit
dangf hvib.

Dail laox Hongf Junb nongd gid
denx ghed dios dail daib gheb, dail
ghab daib Hongf Junb nongd gid denx
ghed dios dail daib ved liod. Ob
daib laix lul laix yut sail dax leit
junb duid gid diongb, des Gongd
Caix Dangx, Mao zux xif ait geef

mind. Dol niangx hniut dib diangs id
hxat dad niox, ait nend hul, nenx dol
seix maix hvib dib yenf diangs, sangl
jul dol yongx niangs, mais dol naix
hxat sail dot faib senb, maix nongx
maix nangl.

Dail ghab daib Hongf Junb zongb
naix hveb diongx liangf, ngit hangd
dol bub diub. Nenx hxid sos hnaib
ghangb niangx hniut vut dax dail.

1. Vut vut hxid tuf hangb gid duf, kod leix. Dab
pit dab dol hveb nais.

(1) Cob diongx liangf dios dail naix gheix
xid, gangl hangd deis jef bub nend? Bangl
diot nenx ib pit dail naix id dios dail naix
gheix xid, gangl hangd deis jef bub nend?

(2) Gangl hangd dels jef bub dol niangx
hniut dib diangs id hxat dad niox, ait nend
hul, nenx dol seix maix hvib dib yenf diangs?

2. Xangs pit dab dol ghab hveb bangf yid sib, nins hvib maix ghab dieex bangf hseid.

(1) Laib waix gid gid zek lol, ob dangl ob pit dangf bongb yongb. Ghab diongl gid niangs yangt hveb diongx liangf diab ab dax.

(2) Dail ghab daib Hongf Inub zongb naix hveb diongx liangf, ngit hangd dol bub diub.

(3) Nenx hxid sos hnaib ghangb niangx hniut vut dax dail.

KOD LEIX

KOD 3 TONGF DID ZEB

Tongf Did Zeb dios bib Zongb
Gof maix nangx maix bit bangf dail
senb wuf xof jab. Nenx diangl dangt
diot Zeef Jangb Yenf Xeed bangf ib
jox fangb vangl yut. Bangs diub zaid
hxat wat, nenx ib pit bangb diub
zaid ait gheb, ib pit nas nenx bad
qeb nenk leix.

Tongf Did Zeb dot juf xongs hniut
yangx jef duf zongb xof. Nenx
bub leix xus wat, xof xif ed ves
niox, laib xof qib hsat denx kaox
sid, pinf junb dot jus 45 fenb. Dail

xaod zangx hot nenx diangb zaid
ghaid ngal mongl ib laib nieef jif,
bangs nenx dlak not dias wat, jef
baib nenx des baib hxit duf ib laib
xof qib.

Laib xof qib gid ghangb, Tongf
Did Zeb ghax sail ves xof xif. Hnaib
hnaib laib waix ax bil fangx, nenx
ghax ait niangs tenk fal dax mongl
xof xaod dol denb ghab but gid pit
dab duf waid wix; diongb hmangt dol
tongf xof bit dangx yangx, nenx dad
mongl dol denb ghab but gid pit dab
hxid dud. Dail laox sib zif baib bub
yangx, ghax hfek denb ghab but gid
niox, hot nenx mongl zaid bit dab.
Nenx hxid dail laox sib ax nins